

南京道院癸甲二周合刊





A541 212 0016 5202B

南京道院癸甲二周合刊弁言


書曰、文以載道、是道本無名、惟文能名之、道本無形、惟文能形之、以無名無形之大道、而使之推行宇內、普遍九洲、非文以載之、其何能及、此南院所以有印行周刊之舉也、上年奉

訓判定、道開即撮舉大旨、請道一冠善草擬綱目、經道開初校、復請魏光慧統掌重校、稿

成擬付北京慈濟印刷所就近校印、時已入秋、而江浙風雲日趨險惡、道開奉

訓南旋、辦理世界紅卍字會第一救濟隊、於是設辦事處於下關、組織出發隊、設立收容所及臨時醫院、並聯合江甯蕪湖常州鎮江丹陽各院會、合力進行、分途救濟、全部精神、注重慈業、而周刊之舉、遂暫擱置、本年大局粗定、議再付印、南院同人、又以事隔二周、原稿既未印成、何妨即以甲子訓詞、合併刊行、較爲完備、議定後、因名曰南京道院二周合刊、請張道一謝冠能張冠善三君、擔任編校、刊行於世、嗚呼、道本無名、惟文能名之、道本無形、惟文能形之、斯文之有關於大道者、豈淺鮮哉、謹誌顛末、以告同修、

太歲乙丑清和月陶道開謹識於南京道院愚園水石居



南京道院癸甲二周合刊編目

序言

至聖先天老祖真傳

書畫

(一) 南京道院籌備之經過

(甲) 愚園設院之前因

(乙) 天空之靈炁照相

(丙) 祈禱江浙和平

(丁) 闡明道旨及大道之推行

(二) 南京紅卍分會成立之緣起

(甲) 救濟日災

(乙) 救濟兵災

(丙) 冬賑粥廠

(丁) 設貸濟處

(三) 第三傳經母壇之緣起

編目



(甲)第三母壇傳經之前因經壇祝詞附之

(乙)經壇之布置碑文附錄之

(四)南京女道德社籌備及成立經過之概況

(五)壇訓

癸亥年

老祖示道院宗旨

達祖說真經與坐功之關係

慧真人保存鼓樓神像訓

莊仙周示覺世

周仙(濂溪)論動靜

孚聖論性理之門

孚聖示道一

慧真人却由人造說

慧真人君子小人義利辨

法海禪師示道一



孚聖尊由人召說

岳聖論天地人三道

關聖論靈炁之壽

濟佛論學然後知不足

慧真人說修齋

王仙陽明論先天後天卦理

老祖說傳經救劫

老祖示各掌監

老祖說造規弭規之源

法海禪師說六識通

慧真人論功修

慧真人論利己利人

孚聖論士

菊溪眞君示道開附北京道院訓及菊溪眞君傳並肖像遺墨

孚聖神道爲公說

甲子年



老祖論挽人心以維天運

慧真人論息塵紛以固真靈

默真人論修靈之道

默真人論打破我字迷關

默真人贈冠能箴言

尙真人論內外兼修

慧真人論禍福皆由自造

慧真人訓道悟道開冠能諸掌監修道要旨

孚聖論心性

孚聖論修己度人之要

(六)女道德壇社訓

南海大士論入道要旨

南海大士論坤德

南海大士論修齊之本

南海大士說儉德

南海大士論倫紀



關聖帝君序言

拱拜北辰降赤虹。吾今含笑叩蒼穹。千秋著作闕神愿。此日修爲慰我衷。涉海有帆誇穩步。爲山積篋喜完功。萬花飛舞春常在。依舊三皇五帝風。

宏敷吾道。幸萬世以常新。不著神功。歷億劫而彌煥。明盛德於當躬。指示修爲之路。垂典謨而濟世。大開遷善之門。宏獎人倫。發先天不傳之秘。提撕聾瞶。降救劫出世真經。秉慈悲心。飛鸞開化。於在在。宏拯濟念。如意消劫。以生生。覺世牖民。傳寶誥於千世萬世。掄功錄籍。秉精鑑於男方女。方。普勸寰區衆類。須懺悔以皇皇。慎勿辜負叮嚀。或聽聞之藐藐。登覺路。出迷津。仙真有望。勤誦習。誠宣化。福祿無疆。

孚聖帝君序言


三元一炁發萌芽。隊隊天香總是花。至道慈光聯妙行。昌明智慧貫清華。青玄位極星辰拱。太乙祥呈象數加。五聖同功參造化。祇緣此地渺無涯。

自三才位定。人居中生。太極圓光。渾然各足。穆穆其元。湛湛其體。初無缺陷之可指。所以人性之初。無有不善是也。然自有者天。自爲者人。人不自爲。則負自有。負自有則是棄天。今也善性無功。澆漓之風。遍里黨。教澤衰微。變詐之習。滿閭閻。綱常名教之防。盡壞於驕奢淫佚。仁義禮智之德。俱敗於利欲貪嗔。世運益衰。人心日下。能不悲乎痛哉。吾

師下憫人心。上悲天運。傳經救世。顯化飛鸞。愍愍然以正人心。消末劫。是任其愛汝等。赤子之心。望汝等。赤子之意。至深且厚。蔑以加矣。然而世之陷於驕奢淫佚。迷於利欲貪嗔。失其心而不知自轉。由來已久。若至此。猶毫無覺悟。誠無心也。人而無心。與木石何異。尙何得謂之人乎。爾等平旦清明。試一思之。其將何以對我。

師先天老祖。

時維民國十有三年歲逢甲子春正穀旦金闕上相孚聖帝君品崑鸞書降序



慧真人序言

古來皇帝講經筵。宣化人人結善緣。普渡迷津登覺岸。招尋孽海上慈航。夙根深厚皈心易。信力輕微入道難。口上工夫多積德。無穹道路莫遲延。

夫天地無日月。則混混者何以明。造化蔑風雷。則鬱鬱者安所振。是故世風之靡。患不在於積衰。患無旋轉之術。人心之疚。患不在於負過。患無遷改之忱。性之貴於轉者。有若是矣。慨自世風衰而後。禮教廢。鄉黨所以有頑民。人心變而後。習俗偷。閭閻由是少良善。陷溺沉淪。所由者漸。有以世道者。能不爲之顧慮耶。吾


師秉懷聖德。傳經救世。齊集真宰。顯化飛鸞。廣慈悲心。宏大道。教孝教忠。宏誓愿而驚羣迷。消災消劫。聖恩浩蕩。莫罄贊揚。經訓精微。難窺底蘊。吾者恭承師命。派職襄教。累劫救渡。無非體天愛民。降筆垂書。要亦扶世導俗。茲奉勅序以文。因敬謹而爲之序。

時在民國十三年歲次甲子丙寅穀日慧地鸞書降著於南京道院

序
言



四



至聖先天老祖真傳

辛酉十一月二十七日

五聖命

濟公書述

世人有文先生。不知何許人。不名里居。不詳姓氏。號曰五柳。此數萬年後無名而有人者也。今吾

師去人生時遙遠。不以姓氏稱。亦不以里居名。世界大千爲里居。世界種族爲姓氏。一胞之初。纖微無有。有之曰誰。是曰

老祖。自誕降質而後有物。有物皆其子孫。亞當厄娃世史可考。文字以前。則又不知幾許。亞厄吾奉。五聖之言。得知上天。即曰上帝者。是乃天地之父母。實在是上帝。又有一上帝之父在也。古初無名。是曰烝胎之胞。是已。故後世人皆據理而言者。以爲空譚。引經證典者。或曰大道。如太素。太一。太易。太始。太初。種種名稱。皆非吾

師本來面目。與最初人形最老者耳。星宮所居萬古不變之妙山。生稟烝根。蒸結爲水。又是水子之子。烝始爲祖。真經可證。及龍門傳經。去今五萬餘年。去生
老祖烝胞之始。又不知什伯五萬年已。號曰太乙。實紀成年歲以後。有星宮之別。又與太
一太易有先後之殊。

老祖實生天地日月星辰列宿以前之一胞。

師不命言。唯恐少見多怪者。妄思索解。不知大道。不求真諦。

五聖所以不能獨僭世界崇奉而不能默默然云。

謹按辛酉十一月二十七日 聖母 佛祖 謨祖 項先師 老君臨乩判示云。


奉 師訓汝等諸方一年侍壇真道之旨。明者有人。惜無師傅可證。終是人世憾事。知者固知。

師本不以史傳。何傳之有。今

五聖及各教皆崇

師道。在神界人不得而見聞。無論已。至欲充道敷教。又要撇去一切魔王邪神。又非立一

師傅。不足彰彰大道也。因命濟公書述。



老 祖 臨 壇 賜 道 院 鸞 書

南 京 道 院

道 蘊 彌 綸

8 9




老 祖 賜 統 院 鸞 書

鸞
統
院

8
8

化



書 鷲 院 統 賜 聖 孛

玉

統
院

品

道



老 君 賜 壇 院 書

書
院



濟 佛 賜 壇 院 鸞 書

老 類 世 覺 佛 院



書 慧 院 經 賜 人 真 慧

慧地 无返光迴 慧院



朱仙賜坐院鸞書

坐院

朱喜

靜



懷素禪師賜坐院鸞書

心
坐
院
鸞
書



岳 聖 賜 慈 院 鸞 書

慈 院
岳 飛



聖 賜



蘇仙賜慈院鸞書

慈院

蘇轍



彌佛賜宣院鸞書

光

宣院
彌
希




岳聖賜宣院鸞書

鐸

岳飛



男多壽多福多南化何賜祖老



化南佳弟子

預木之相

88



南 化 何 賜 祖 老

天保定爾88 化南



老 祖 賜 魏 光 慧


普

火
慧

8

8

釋



老 祖 賜 光 德

仁 大 德

壽 呀



老 祖 賜 韓 又 希

樂 道




老 祖 賜 韓 福 航

福 自

求 多

福 航

88



老 祖 賜 王 慧 惠

壽

慧惠



彌佛賜陶道開



道開

孫昂



彌 佛 賜 羅 道 悟

明 道 悟

彌 佛

德



彌 佛 賜 楊 靜 根

博

靜
根

孫
希

家



岳 聖 賜 葉 能 靜

能 靜

岳 飛

佛



山 春 王 賜 佛 濟

仁

壽山

老
觀

鏡



濟佛賜朱道慧

佛緣

道慧

老觀




濟佛賜劉涵輝

天寒有鶴守
梅花


涵輝

老顛



達摩佛祖賜朱道慧

道慧
摩
達



性南楊賜仙黃

道文

以載

南性

黃庭堅



黃仙賜顧道潔

南春
雨江

道潔

黃庭堅



周 仙 賜 顧 道 潔

道
潔

運

周
敦
頤



一 南 張 賜 仙 褚


篤 定

南

褚 蓬 良



吉 冠 吳 賜 仙 慧



慧仙賜李一世

慧仙
賜李
一世



尚 真 人 賜 張 冠 善

悟

冠善

尚真宗

然



東 方 真 人 賜 婁 圓 湛

真

易情

湛



東 方 真 人 賜 世 福

世 福
真 人
賜 世 福



蘇仙賜杜肖嵐

海
有友

蘇軾

船



蘇仙賜吳道臨

道臨

蘇軾

蘇軾




蘇仙賜侯道性

道性

蘇軾

性



(一) 南京道院籌備之經過

天地之間一大道院也。人人不能離乎天地。即人人不能離乎道。人人不離乎道。則真性不泯。與萬物各安其位。汨汨穆穆。大同之世也。今也世風日薄。人性日漓。巧詐百出。殘忍成風。人禍天刑。相因而至。將見大地淪胥。萬劫不復。我

至聖先天老祖。因降靈佈道。度化眾生。挽回劫運。於是有道院之設。道院肇始於濟南。分設於各省。先是江甯下關韓君永清。王君贊臣。葉君楚良。楊君崑山。羅君步洲。杜君肖嵐等。於壬戌年組織江甯道院成立。其時南京省院。尙未籌設。適陶君席三。偶與王君贊臣晤談。王君舉道院之宗旨以告。并歷述壇訓徵驗之事。陶君乃大感悟。願先進修。慨然自任。租屋設院。諸事旋蒙

老祖特賜名道開。凡省院一切事宜。責令肩任。派爲省院院監。兼道宣職。陶君奉訓後。屏除俗緣。專力道務。一時介引求修者百餘人。省院院基以立。是後凡所籌備。無不遵訓而行。嗣奉

訓於壬戌年十二月二十立春日開幕。又奉

訓南院改於癸亥年正月七日(即人日)開幕。是日早八時。由道開院監迎

老祖神位入城。十時安位。紳商各界。來院參禮進修者數百人。自人日起。開沙五日。訓派

職方布置院務。宣示坐功壇。賜書畫。凡來院侍壇諸方。無不肅然起敬。詩曰：神之格思，不可度思，不其然歟。

(甲) 愚園設院之前因

先是濟南道院統壇於辛酉年奉

老祖訓。南京省院設於愚園。當時濟院侍壇諸方。僉不知愚園爲何處。嗣杜默靖先生與江寧魏梅村先生有舊。曾致函詢。其後謝素定先生回里籌設。亦有志未逮。壬戌冬。陶君席三因晤王春山。知省院設於愚園。早見濟南壇訓。陶君遂慨然自任。商之愚園主人胡碧徵先生。議訂租該園之春睡軒秋水兼葭館。作爲設壇及辦事之所。於是布置一切。籌備設院。乃知省院設於愚園。數有前定也。癸亥三月。適王統掌慧惠來寧。館於園中。目覩遊人雜沓。塵氣紛囂。商之園主人胡辟塵。掌籍停止遊覽。以昭誠敬。園主慨然贊助。並願將器具一切借用。約既定。由掌監將園之全圖。并設各院及辦事室地點。呈壇判定。於是從事籌備。遷正手續。經各掌監集議。修整全園。並由齊督軍(道名光德)韓省長(道名又希)王警務長(道名攀月)嚴財政廳長(道名芬郁)屠局長(道名善實)吳縣長(道名德化)及各掌監。共捐資壹千餘元。充作全園修理之用。五月工竣。由陶院監於濟南道院具疏請



示遷正之日奉

訓於六月十二日午刻遷正。屆時適值南京第三母壇傳經開始之期。全國各院來聽經者以百數十計。頗極一時之盛。嗚呼。以名園而作道場。其地傳其名千古矣。

附錄南京道院遷正祝文

粵聞清寧貞一。大化肇於無爲。恍惚杳冥。真精顯其有信。溯源於兩儀未判之先。觀妙於八卦未傳之始。伏維

至聖先天老祖。本一炁之彌綸。合三才而陶鑄。草行木語。同遊化育之天。鳥篆蟲文。屢發苞苻之秘。值人事之修明。居玄宮而高拱。股肱元首。奉職無荒。造化神明。成功者退。乃憫世運之凌夷。欲拯人心之沉溺。載垂光於東魯。爰推行於南都。惟茲愚園夙邀神眷。瓦官傍寺。曾傳遊鳳之名。花盞成崗。舊是停鸞之地。既相宅以設壇。乃迎神而遷正。一時百靈奉教以隨行。多士聞風而翔集。羽葆繽紛。冠裳踰濟。堂皇美煥。誌清遠之留題。俎豆馨香。矢肅雍而將事。嗚呼。萃群倫而陶冶。不矜符籙之奇。示五教以源流。永化畦町之迹。猗歟盛哉。復乎尙矣。謹祝。

(乙) 天空之靈炁照相

靈炁爲生化天地人物之源。聚之則渾渾沌沌。化之則氤氳氳氳。若有色。若無色。若有相。

若無相。無大。不包。無微。不現。南院初立。

老祖恐人心之未盡信也。特因壬戌十二月初四。福航統掌（韓永清）之誠求。

訓准顯化聖相於莫愁湖。命於望日。日陽下照。玉月上升。在五時三刻零三分。恭開鏡影。一秒不可前後。鏡頭向東空處攝之。派靜根道悟春山分侍鏡前。鏡頭開照。未照以前。命各書誠坐八度。道開院監亦隨同前往。是日也。天氣清和。湖山一色。准時開鏡。東方忽現彩雲一朵。諸弟子無不欣喜。以爲

聖相已經顯化。乃臨照時。各方拘於神者有之。失於誠者有之。拘於神者作奇特觀。失於誠者作驗徵觀。奉

訓命滌子（紀滌塵）將玻璃片洗出放案前。廿一日候訓放之。復於癸亥三月廿四日。奉

訓前照南相。因爾等多生慢心。故未直射光華莊嚴之相。是以有相無色。命於廿七。日由慧惠恭率兩院掌監。在胡園柳岸波光處。向清遠堂恭照九片。派道開開鏡。派滌塵上片。派春山對光。派光德慧惠肅儀。用申末之初（四句一刻）時開鏡。用十二字兩稱吾號。是日齊督軍光德韓省長。又希仇統掌覺世魏統掌光慧等。均遵

訓到院。會同慧惠道開恭臨其事。當將清遠堂用黃表紙及壇香燭。洗然後安置照相機。

於柳岸波光亭中各職修方來院誠求者百數十人。先是忽降大雨。風雲驟起。一洗塵氛。迨至申末之初。天忽開朗。東北隅空際現出霞光。向之開鏡。次第照成九片。旋奉

訓中間一人正相。乃正時照者。第一片先天炁相。第二片之色相。默靖也。（即默真人）因其初升。故尚有陰象。放大之。第八片係丹成之相。第九片乃萬緣歸本五教大同之相。兩次照相。遵訓次第晒出。莫愁湖之相。果有象無色。柳岸波光之相。以第三片爲顯。而第五片尤鬚眉畢現。第二片默真人之相。一如其生前。遵訓放大。尤爲顯明。嗚呼。精誠所結。光遍大千。靈炁之感。良非偶然也。

（丙）祈禱江浙和平

自來治亂之機。恆視人心善惡爲轉移。人心向善。則天意可回。和氣所鍾。干戈可化爲玉帛。吾蘇當癸亥夏秋之間。江浙謠言紛起。人心惴惴。不可終日。而

老祖於南院傳經既畢。復於京院訓示。南京有二度之規。未化。適道開院。監奉訓前往上海。杭州兩院。各開沙三日。遂以祈禱和平之說。陳於滬浙當道。而滬杭即相繼實行。當在杭院之時。即奉

訓以道代化。人心爲之一定。回寧後。分謁軍民兩長。陳明挽回劫運。斷非武力所能解決。法律所能收效。當此窮極呼天之際。惟有所禱。

老祖以期消弭爰議定七月七日慶祝

老祖聖相昇坐之期爲祈禱免劫之舉是日齊督軍（光德）韓省長（又希）均於上午十一時親臨祈禱恭具疏文虔求化劫由光德主獻道開讀疏此外如仇覺世魏光慧甘鶴雲蘇靜清顧道潔張道一吳德化諸掌監及各職修方百數十人均至院虔求禮儀嚴肅誠敬異常祈禱畢光德又希兩掌並宣布酷望和平之意而光德謂一念之善可造無窮之福一念之惡可貽無窮之禍自來達官子孫其後不昌者皆一念之差造殺機以禍人民也等語咸以爲光德正握兵符能作此愷惻之言而和平公約又適於次日簽布戰禍當可幸免矣是日午後開壇有諸方虔求災劫准予減輕之訓並賜光德三詩其一曰綠溪一片映江晴遠照雲山處處青香餌自香魚不食任從釣竿立塘心（恭繹詩意諭其勿爲爵祿所糜宜守中立）其二曰北斗星橫劍氣濃烟雲瀰漫萬山同欲知撫序宜何處祇在先機一着融（烟雲瀰漫中宜以融和爲先機）其三曰君心何事未玲瓏千古安危一笑逢識得眼前天地濶明霞頂上白雲封（霞字而白雲封頂預伏一段字先機）註曰處宜中守宜融安危一髮志在英雄慎之記之切莫朦朧等語詎料越一載而戰禍突起又經各職修方屢次誦經虔禱一面籌募巨資組織救濟出發隊並設收容所醫院力救戰區難民傷兵並在道院起建蓮社道場超度死亡潛消厲氣藉以挽回天心回憶

癸亥七夕之訓。於以嘆一念之善惡。其禍福有如是夫。

(丁) 闡明道旨及大道之推行

南院成立以來。歷次開會演講之詞。其有關於闡明道旨者。特編錄之。以供研究。

(一) 王統掌慧惠講演詞

王芝祥字鉄珊道名慧惠北
京南京江寧滬杭各院統掌

老祖爲挽回世道人心。靈光下降。命立道院。茲慧惠奉訓南來。與諸公講論道旨。謹以三年所得。貢之諸君。

老祖爲天生地生人物無極至聖。即大化之主宰也。自五教衰微。門戶紛起。天災人禍。相逼而來。

老祖不忍衆生之沉淪。傳經救世。以內功清心。以外功培德。使五教教徒。各修真諦。以悟大化之源。今先言內功。內功之要在於靜坐。靜坐之旨在能養氣。養氣者。即煉精氣神爲一炁者也。其法首在清心寡欲。佛教之五蘊皆空。儒教之克己復禮。道家之性命雙修。其言雖殊。而入道之基則一。果能守中抱一。以運用陰陽五行。使其相生而勿相尅。一動一靜。任其自然。久之自得煉精化氣。煉氣化神之妙。易曰。艮其背。不獲其身。行其庭。不見其人。蓋人身之陽在督。而陰在任。督交會則真炁自凝。內觀其心。心無其心。外觀其形。形無其形。生也不受七情六慾之擾。歸也不爲陰陽五行六氣所拘。可以超脫六道輪迴之。

外惟大道應內外兼修。坐功乃獨善其身。必以慈業輔之。方克有濟。蓋內靜是正。因外慈為助緣也。濟南道院首先創辦殘廢院及施材施藥等事。又發起世界紅卍字會。以促進世界和平。濟困扶危為宗旨。而以靈學哲學為入道之門。俾人人仰體上天好生之德。以成世界之公共慈善團體。李佳白博士亦贊助斯舉。大道自東而西。可指日而待矣。

(一) 鄭嬰芝先生演講詞 鄭寶慈字幼巖道名嬰芝江寧人山東濟南道院宣院掌籍

嬰芝入道之時日甚淺。就所知約畧言之。道院真諦。老祖所傳之太乙北極真經也。進修諸君人手一篇。時時默誦。默悟。不但有益身心。且可鎮壓群魔。前者北方某君奉訓領經。並謂如不領經。將有奇禍。某君淡然視之。後果有難。揚州某君因供奉真經。屋倒而未被災斃。友人陸君圓乾曾識狐仙。狐修已二萬年。未明大道。央陸君代求真經。

老祖特賜名黃喬。准領真經修持。可見

老祖大道為公。禍福自召。許人自來。而不強人之來也。神賜字畫。亦有極大關係。修方某君家壁。挂壇賜字畫。雨打破屋。而畫不濕。可知所賜字畫之貴。又神賜之寶。尤足保身。三家兄曾帶寶看舍親病。挂寶往則拒。不令入。除去則否。邪氣之不敢見正也。如是。今人祇知名利之爭。而藐視道院。實大謬耳。

老祖之道。為入世道。非出世道。南院與北院對峙。為兩大院。所繫至重。進修諸君。不特須

求獨善。必求更達兼善之旨。坐功所以培養後天。補先天之不足。蓋能靜坐始能懲忿窒慾。復其本體之善。不但靜坐時須養和平之氣。平時作止語默皆宜養之。人人能養其和平。即成世界和平之福。所謂天堂地獄即在人心。心無所苦生也。天堂死亦天堂。心有所苦生也。地獄死亦地獄。今之患得患失爭權爭利之人。日在地獄中而不自知。反以得失爲憂。權利爲樂。豈非天下之至愚哉。

(一) 歡迎神戶道院代表北村隆光先生演詞

神戶道院組織之初。公推北村隆光先生來華。在濟南恭迎。

老祖神位並參考京濟寧滬各院辦事之程序。既至濟南。迎位歸道。經南京。由南寧兩院聯合開會歡迎。兩院掌監及職修方到會者數百人。頗極一時之盛。北村隆光先生道名尋宗。爲日本大本瑞祥會信徒。於靈學哲學均研究有素。故在京濟寧滬侍壇時。

老祖嘉其夙根不昧。賜名尋宗。自有深意存焉。北村先生不熟悉華語。演說時。由修方中爲之翻譯。茲錄其簡明之演詞如下。

尋宗代表來華恭迎

老祖神位。經過北京濟南各院。恭聆大道之旨。頗有澈悟。今日又蒙兩院諸君開會歡迎。愧不克當。惟尋宗此次來華。具有一種感觸。竊以中日親善一語。聞之熟矣。而事實上每

每不能有圓滿之結果。此何以故。夫親善二字。乃至美之名詞。欲謀真正親善。非從根本。求之。不可。欲謀根本親善。又非從道氣之結合。不可。往者之言親善。乃國交之親善。故有或墮或續。或信或否。茲求名符其實。以言人類之親善。則靈烝相感。摯愛出於自然。自不致有爾詐我虞之事。中日本同種同文。今能以道氣結合。無畛域之分。無爾我之見。共尊造化之主宰。同修真靈之化育。則此後之親善。不啻得其根本之保障。可以永矢無渝。尋宗言念。及此其慶。幸爲何如耶。此皆由日本震災。神示警告。激動人向善之機。更承道院紅卍字會。捐運振米赴日。始得獲聞侯先生談大道之真諦。感激之餘。尤爲欽幸。大本瑞祥會之宗旨。即尊奉大根本之大神。而以神儒佛三者爲教。今道院崇奉

老祖。而兼尊五教。與大本之旨。實相吻合。靈界物語第六篇。曾有三五教之論。今大本之教有三。而道院之宗教有五。又適符三五之說。道院以扶乩布道。而大本之筆先。（即筆錄）亦類似之道院之坐功。曰習靜。而大本之鎮魂。亦似之。

老祖之道。與大本筆先之言。脈脈相通。在數十年前。大本之筆先。即有日本大劫之後。東方必有天使來傳真道。今當震災之後。而道院之宣慰使侯楊馮三君適來。於是神戶道院以立。可見數有前定也。此番參觀南北各道院。均規模宏鉅。欽佩異常。歸國後當竭力提倡。俾神戶道院。早日開幕。並推而及於全國。以副

老祖宣傳大道挽回劫運之盛德。尙祈諸君有以教之。

(一)南京日本領事林出賢次郎演詞

北京道院慈院掌籍馮華和譯述

道院云者。乃數千年來支配中國人心之天。天道、王、王道等。所謂道之一字之表現。所以發生於今之中國者。乃時勢所當然。蓋救目下之人心。不可不認爲最相宜之信仰團體。是也。自古以來。中國寺院。莫不因帝皇或權勢者之保護。而臻發達。故儒佛回道。雖宗旨不同。然對於天道之感想。則各宗無不一貫。以之支配乎中國人心者。悠且久矣。孔子之仁。孟子之仁義。其道即本乎此。其始雖有差別。其終皆平等也。此種感想。逐漸實現。而爲近世制度之中國。即敬天之天國。支那與古來以君主政體相傳至今。所謂奉神之神國。日本其感想實相同也。前清末葉。國人痛帝制之無道。乃唱滅滿興漢。五族共和之美名。以希望天道之實現。由數千年之帝制。一躍而爲共和政體。然邇來國無寧日。群雄割據。日事爭鬪。人民苦於兵亂。莫不盼望和平。而今之有權勢者。亦屬毫無道義。失其尊敬之中心。專謀自己之利益。反覆無常。不安其位。故無不希冀一極大之中心。蘄至於安甯之地步。試觀凡有軍隊駐紮之地。所有寺院。均收爲官有。以充兵營。而人民失其所禱之所。因之上下均抱不安之念者。豈非中國之現狀乎。然自有道院設立以來。包容五教。尊奉至聖先天老祖。爲唯一眞神。因政府之批准。加以官廳保護。而各省之學者紳商。爲之領


袖秩序井然。禮儀嚴肅。所有信仰之者。無階級之分。官民之別。均若渴者之就甘泉。現已推廣至於各省。此蓋因道院宗旨。與數千年來深入中國人心之天道感想。若合符節。且按之現今中國之社會狀態。此等道德團體。固當爲時勢所要求。故耳。至就其社會事業方面所活動之紅卍字會而言。該會本其預防災難之宗旨。或則調停政局。以防止未來之戰爭。或因天災地變。而救護被難之人民。此種舉動。要皆合乎人心之所好。譬如江浙有開戰之說。凡道院關係之有力者。奉其神命。皆努力而爲和平之運動。或如去歲日本震災之際。以向來禁止米穀出口之江蘇。竟能邀督軍省長之特許。送賑米於我邦。以上皆其例之大者。此外更不勝枚舉。且如巡閱使齊燮元。上海護軍使何豐林。浙江軍務督辦盧永祥等。均係南京道院之職員。從權力爭奪言。彼等因有敵對之行爲。然於老祖之神前。則無不一致爲恭順之信仰。由此以觀。道院與現在社會之關係。決不可等閒視之。即道院之發達。對於中國將來具有極大感化之勢力。亦可思過半矣。故吾人對於道院。不可僅委之於新聞記者。及毫無信仰之批評家等之冷評。當以真誠之學者。或有德之宗教家。研究而發揮之。斯蓋中日兩國關係上。決非等閒之事業云。

濟南道院成立於庚申季冬。各省相繼成立者。已達百數十院。南京道院不特關係一省。實南道之樞紐也。蘇省各縣道院先後成立者。計江寧。上海。蘇州。鎮江。江都。常州。淮陰。東

台淮安泰縣瓜州揚子曲塘虬湖無錫松江丹陽銅山上新河等院。進修者達數萬人。凡
慈善事業。道院力之所及。靡不爭先爲之。蓋道院之感化人心。挽救劫運。舉國皆知。其附
設之世界靈學研究會。世界宗教研究會。各縣亦次第成立。至於已動機而尙未成立者。
如泰興六合鹽城常熟崑山太倉嘉定宜興沭陽碭山高郵海州等處。二年以來。大道推
行之速如此。不獨國內道院林立。且已推行東瀛。無遠不屆之機。可立而待矣。



老 祖 之 堂 正 面



癸亥年正月 南日人京道院開幕攝影



南 京 道 院 一 周 紀 念 攝 景
甲 子 年 正 月 八 日



江寧道院聯合歡迎本神戶道院代表村宗先先生紀念攝影
中華民國二十一年十一月二十日



(二)南京紅卍字分會成立之緣起

卍字云者。言澈上澈下。無縱無橫。四方周圍。無不普被之意。卍字會者。集合公共慈善團體。以促進世界和平。救濟人類之災患也。自科學日進。而人類之殘忍性。亦與俱進。以致天災人禍。相因而至。卍會之旨。在使人人仰體上天好生之德。安老懷少。救苦濟貧。以維繫物質文明之真精神。而不致逞其暴戾。各相殘害也。總會設於北京。道院既立。旋奉

壇訓。籌備組織。南京分會。於癸亥三月朔日成立。到會者齊韓兩長。及政紳商各界百餘人。首由王慧惠統掌報告道旨。及卍會成立之緣起。並謂世界卍字會。當以卍慈銀行立基。惟道院是根本。則道生銀行。可爲維持道院之基。自當先爲成立。俾一切慈善事業。皆可次第推行。次由鄭嬰芝先生演說。謂今日南京卍會開會。來者皆各界泰斗。更逢慈祥賢明之軍民長官。親臨演講。提倡道德慈善。實力進行。似此景象。其爲和氣致祥之朕兆。明矣。且嬰芝稱軍民兩長官。爲慈祥賢明者。係就事實證之。非虛譽也。嬰芝初到寧省。即聞軍民兩長官。擬將今年僚屬所餽壽儀。均改慈金。辦一種貧民工廠。此爲近年所無之事。即此一舉。慈祥之懷業已畢。露嬰芝曾到他處。遇一政界中人。謂道院宗旨。甚是贊成。惟政界人如皆專學。即恐有誤要政。是不明大道之宗旨也。現在世風日下。由於在上不能以身作則耳。倘有地方之責者。皆以道字爲重。興利除弊。切實進行。世界昇平。何難立

觀今我軍民兩長。不但首先入道。且親自來院。提倡一切。實心毅力。迥出尋常。非賢明之確證。而何。至於紅卍字會之命意。曾在北京。遇一老者。彼謂數十年前。有一乩壇。判過世界。要想太平。非看見紅卍字不能。現紅卍字會。既奉

壇訓發起。非將見太平之朕兆乎。此一事也。又美國博士李佳白先生。是紅卍字會名譽會長。據稱從前有一法國人。曾在中華著一書。專說紅卍字之關係。有數萬言。現在濟南母院。擬購譯通行。此又一事也。就此兩事測之。數有前定。紅卍字會。與世界有莫大關係。可以無疑。嬰芝見廟中所塑佛像。胸前畫卍字紋。佛胸有卍字紋。佛心大慈大悲之瑞相也。舉十方世界所有一切衆生。佛心慈悲。靡所弗周。卍字光明。無所不照。我會中人。果皆以佛心爲心。人人能學佛之大慈大悲。救苦救難。則全世界均成極樂。尙有不太平者乎。等語。今日人民在瘡痍之中。一揭卍旗。如陽和布化。沛然莫禦。是非人力。真神佑也。深望各界君子。盡力協進。以答神庥。則世界和平。庶可於此築其基矣。

(甲) 救濟日災

癸亥秋。日本震災。

老祖於北京總院垂訓。命購米二千石。前往救濟。並派侯素爽。楊圓誠。馮華和三君爲宣

慰使。賚米赴日。實地振濟。又派陶道開院監回寧購米。由總院同人發起。釀款二萬元。以備振濟日災之用。米既購定。適值蘇省禁米出口甚嚴。道開院監即據情面陳軍民兩長。請予特准放行。齊韓兩長以事關救災恤鄰。准予放行。先是陶道開葉能靜因運米事。往商日本駐寧領事林出賢次郎。林君爲大本信徒。平時亦習靜誦經。至是聞道院宗旨。乃大欣悅。蓋大本宗旨。乃尊奉大根本之神。與道院尊奉

至聖先天老祖之神畧同。林君因此遂入院求修。並爲侯素爽楊圓誠馮華和三君介紹大本。上西位助。及靈學界哲學界知名之士。因之道院宗旨。得宣傳於日本。朝野上下。備極歡迎。神戶道院。雖先期由北京總院奉

訓。特派職修方前往開辦。而事實上之成立。其機實兆於此。振米二千石。交由日清公司直運東瀛。抵岸之日。彼國人士持五色國旗。踴躍歡迎。誠近數十年未有之盛事也。初購辦賑米時。京院同人間持異議。迨此米到日。適當彼處米荒。比承受他處多數賑款。尤爲得濟。且僑居華民賴以存活甚衆。乃知老祖前訓。至深遠也。

(乙)救濟兵災

卅會成立之次歲。甲子年七月。江浙戰事突起。人心異常恐懼。遷徙者絡繹於途。留者更

皇皇不可終日。於是由院內掌監等先自捐資。籌設婦孺救濟所。幸現設道院之胡園。及淮清橋之華園。房屋均甚寬廣。又值基督教艾香德博士。實心善舉。願以豐潤門景風山之房屋。亦作救濟分所之用。同時成立三所。專備危急時。各地婦孺。可就近入所藏避。以安人心。旋聞戰地死傷徧野。而災民奔徙無路。慘不可言。適陶道開統掌在京奉

訓南下。籌辦救濟。復廣勸各地樂善紳商。及各道院協力捐助巨資。會同江寧道院。先在下關設立難民收容所醫院各一處。一面組織第一救濟隊。選擇修方會員中之好義勇。爲或素精醫學者。認充義務隊員。率領夫役。攜帶乾糧藥餌。馳赴前線。分任救濟掩埋各事。又聯合蕪湖鎮江丹陽武進各院會。派出隊員。通力合作。至九月初六日。北京總會派鄭嬰芝侯素爽兩先生。親赴前方監察。士氣益振。各隊員初次出發。先到崑山。設立收容所三處。並臨時療治所。繼即陸續分赴戰地。見各戰區如瀏河黃渡等處。繁鎮均成赤地。斷絕人烟。四野屍如山積。河水爲之斷流。腥臭難聞。蒼蠅則蔽日遮天。警心駭目。恐古戰場尙無此慘况也。當由掩埋隊分投掩埋。間有傷未絕氣。或斷足不能行動者。以及誤中流彈之人。急送療治所。施術醫救。一面由救濟隊分往戰線附近村落。搜尋營救。見各難民有避匿於偏僻田壤者。露宿風餐。數日難得一食。幾成餓殍。遙覩卍字旂至。爭求援救。悲號哭泣之聲。耳不忍聞。更有於屋內掘溝數尺。藏匿土中。上覆草蓆敗絮。暫避炮火者。

用上語喚之使出。均已面無人色。並有見首而不能言語者。則已氣閉無救。至離戰地畧遠之區。田中棉禾成熟。無人收割。災民則扶老攜幼。往來奔逃。倉促靡止。種種慘狀。筆難盡述。隊員每到一處。設法僱覓車船。途遇難民。及藏匿不敢遠徙之婦孺。用旂幟引赴後方。就近之收容所。再遞送至鎮江下關。分別安插。其有受餓受傷不能行走者。即以舟車載之。更遇有房屋被焚。餘燼未熄之處。隨時撲滅火焰。救出未能遠逃之老幼亦多。統計數月以來。用種種方法。所救之難民傷兵。不下數千。其運至鎮江下關。事定而資送回里者。亦數百人。凡救出之人。銀錢衣服。均已被亂兵剝奪淨盡。破敗單衣褲外。大半身無長物。一遇秋深。禦寒無術。復多製棉衣棉被。分別散給。計此次各處出隊救護掩埋。及振卹一切。以各地計之。所費不下數萬。若非各地善士。踴躍輸將。曷克臻此。所有各地捐款。均已隨時登報。所幸此次出發之隊員。夫役。在槍林彈雨之中。積屍穢腥之地。從事救護掩埋。數月來。竟未死傷一人。即病者亦少。非賴神助而何。延至十一月間。各地難民。已陸續資送完竣。所收傷兵。亦均醫痊出院。方期或可安枕矣。詎料前齊督軍解職時。謠言四起。全城鼎沸。遷徙者更倍於前。留者尤均惶懼無地。陸續赴城內各救濟所之婦孺。日增一日。臘月初六之夜。臨時到所避匿者。幾至無容足地。迨盧宣撫使入城而後。人心漸安。乃不數日而二次戰事又起。復在城內之華園。添設醫院。並續組出發隊。分赴各地。再從事

救護掩埋詳細情形容印專刊公布。


(丙)冬賑粥廠

甯垣每屆隆冬。向於四城分設粥廠。救濟貧民。癸亥年開辦時。卍會曾募助千元。至甲子冬。災劫重重。民生益困。而城北地面遼闊。關繫尤重。由各界公推卍會擔認。接辦北城粥廠。除分領公款外。不敷之款數千元。由卍會協濟勸募。當在定湘王廟對面。借得空地數十畝。搭棚支灶。於臘月二十日開始施粥。日來人數以四五千計。婦孺居其大半。其有平日尙堪自給者。因受兵事影響。謀食無從。亦扶老攜幼。來此就食。可慨已。


(丁)設貸濟處

甯垣經兵災以後。失業無告者甚多。前奉壇諭。本有令各院籌設。因利局之訓。寧院早經舉行。城內原歸商會承辦。癸亥年曾由本會撥助千元。嗣因受軍事影響中止。致小本營生者流。無處貸資。以謀生計。專恃在廠食粥。苟安性命。斷非長策。南院雖無經費。而事不能緩。不得已。暫行息借兩千元。就道院試辦貸濟處。接濟無本作小貿易之貧民。每名借款以五千文爲度。概不取息。儘一百日內分期還清。仍准續借。於甲子臘月底始行成立。旋承蔣君仲翔。募來捐款兩千元。並因道院地點偏在西南。商定將北城劃歸廣利慈善會担任分辦。得此兩處貸濟。小民多開一條生路矣。

此外如夏施藥餌。冬施衣米等事。均已次第舉辦。施材亦正在進行。惟於奉訓應辦之學校工廠及殘廢孤兒等院。因欸絀尙未舉辦。然院監顧道潔自兼辦普育堂以來。潔已奉公力矯積弊。舉凡育嬰情節殘廢老人各堂。與夫學校。無不次第整頓。實力進行。雖屬地方事業。而悉秉承
老祖之訓。擴而充之。實足補助社會之不逮。其中非有神明之默爲降鑒。烏克臻此。特併記之。



影撮場會立成會分字卍紅京南




影 撮 立 成 會 分 字 卍 紅 京 南



影撮前發出京南隊濟救一第會字卍紅界世




影撮兵傷療治地戰亭安發出隊濟救一第會卍




卅會下關臨時醫院全體職員攝影




記 會 下 關 臨 時 醫 院 傷 兵 養 病 室



影 撮 室 術 手 院 醫 時 臨 會 卅



紅卍字會臨時醫院調劑室攝影



(三) 第三傳經壇之緣起

太乙北極真經。庚申既傳於濟南母壇。復於癸亥三月二十七日。南京道院統壇奉
老祖訓。傳經日期。准五月十四日子時。天地交泰。可以立壇。十六日子時。三元炁降。可開
濟南第一母壇。遂遵時開壇。傳午集正經。五月三十日。濟南第一母壇奉
訓。曰此經本爲救劫而生。兩京濟其甯。水火自相融。故此經也。濟授其六。寧(濟寧)授其
四。甯(江甯)授其五。而燕授其九也。濟其中而寧。然後自東南起。五西北成九。而大劫庶
乎弭已。時道開在濟侍壇。任三寶充養使。奉訓後即回寧。先事籌備。六月初三。天津道院
謝素定統掌。復奉
訓於庚六到寧。襄同道開籌備一切。於六月十二日行開經壇禮。於時職修各方。來園聽
經者甚衆。禮儀肅敬。雖當盛暑。無敢怠焉。

附傳經壇祝文

太歲癸亥六月十二日。第三傳經母壇。弟子慧惠等仰荷

至聖先天老祖宏慈。接傳午集正經。弟子等謹熏香頂禮而致祝曰。

性命之奧。不可得聞。神慈垂憫。覺牖衆人。五千紀後。傳十二經。
自子至亥。義微理精。惟茲午集。十二圖形。渾淪大圓。儀象遞生。

二五妙合。氤氳氤氳。動靜變化。下濁上清。回光返性。乃復堅凝。

要旨若秘。歧路易紛。矧茲午位。中虛離明。一水合天。氣孕斯成。

七惑不迷。三寶守真。功在交養。健陽順陰。大哉聖慈。導明以誠。

苞苻發洩。垂示玄文。心授形習。想像石門。胞烝萬古。因果一輪。

修合中外。道彌蒼冥。一拳鍾山。靈接崑崙。妙諦永傳。億萬萬春。謹祝

(甲)第三母壇傳經之前因

老祖訓曰。胡園風景。如春臺之色。吾道之遍江南。正其時也。見濟南母壇癸亥三月初十日壇訓蓋十二萬

年前。

老祖曾傳經石門。度化阿閼黎衆及一切衆生。綱維天地人物。使各得靈烝之養。而胡園

即昔之傳經第三地也。見濟南第一母壇五月三十日訓今當下元末劫。

老祖秉悲天憫人之懷。復傳經於此。所謂水火既相濟。萬物得其甯。數有前定。良非偶然

開壇之日。又適值

老祖正位之期。彬彬禮儀。灑灑景物。誠二千紀來未有之曠典也。

(乙)經壇之布置

青山侔讀處。在胡園正南。擅全園之勝。左有柳岸波光之景。右有退藏於密之軒。米蘋斜

照於前杏村遙映於側。實天然之真景。傳經之妙境也。經壇設於伴讀樓下正中。配位設於壇右。壇之東西爲職方聽經室。錄經處。丹墀前爲修方聽經處。六月十二日。行開壇禮。十三日。已初授經。廿二日。休壇。此經壇布置經過之情形也。

附南京道院第三傳經母壇碑後序文

距石門傳經之五千紀。上元開始。下元告終。五洲騷然。華夏奇變。我

至聖先天老祖。哀此羣倫。不忍膜視。以爲茫茫浩劫。實由人造。造規之源。起於一私。一私蔽靈。陽退陰進。羣魔日肆。人已交病。救已救人。五教一致。惜乎末學。沿流忘源。鴛名遺實。唯物說起。一切拋棄。前轍既覆。後車宜警。須知教原於道。道載於經。秘之不安。傳之綦難。真經十二集。先傳十一集。惟茲午集。僅傳千一。乃

鑒諸方請求之誠。於濟院第一母壇先傳六節。又臨南京道院第三母壇。傳第十一節以下之五節。雖格於人事。猶缺四籙。幸荷

聖慈。准續傳於第四母壇。完此五節。嗟嗟同胞。乃至屈道遙無際之尊。臨混濁沉酣之世。鴻文寶籙。

昭示垂戒。使猶習非蹈故。迷途忘返。譬彼舟流。焉知所屆。傳經將訖。奉訓撰文勒石。以垂永久。千萬年後。同修諸方。幸獲隨侍過此。回憶前

訓所謂胡園灑灑如登春台其愉快爲何如也謹序。

弟子張道一敬撰

弟子王慧惠敬書



傳經處



供奉

第三母壇賜道開

經

壇



二月廿六日癸亥 影攝念紀經傳壇母三第院道京南



上海圖書館藏

(四)南京女道德社籌備成立經過之概況

道院開幕後四日。

南海大士臨壇賜陶母(道開院監之母)護英相並派爲籌備主任。介引女修方滿三十人。即可成立以宏救度。陶母奉

訓後。即派其媳妙相偕孫女復權復明。前往下關江甯女道德社求修。六月。道開院監女復權偕女界同事來院參觀禮儀。並研究道旨。頗有感於靈烝之說。且悟科學哲學。皆同出於真理。慨然以提倡女社爲己任。旋因久病不果。十月十八日。道開院監爲其太夫人八十稱觴。具疏於


老祖。請以筵席之資。移作慈金女社經費。至是始得徵實。乃復權宏願未償。遽爾權復散花。(見甲子二十三日女社訓)雖數有前定。而坤道之推化。不免停滯。道開院監有感於此。遂秉承慈命。趕速籌備。遂於癸亥十一月十七日成立。護英爲正社長。慈雲爲副社長。妙相爲代社長。一時來院求修者二百餘人。非陶太夫人之誠感。曷克臻此。此女社籌備成立經過之概況也。

四

南京女道德社籌備成立經過之概況



二十八





蓮台聖賜陶護英社長

護英女弟子

供奉

蓮台并繪賜



長 社 陶 賜 佛 濟

賜 護 矣 弟 子

供 奉

冬 顏

普 濟



影 撮 幕 開 立 成 社 德 道 女 京 南



(五)壇訓

老祖說道院宗旨癸亥年正月初八日

神人之際。能接觸者。其惟一誠而已。若不以誠來。欲求感應。不可得也。爾進修諸子。來侍吾壇。要當以誠感之理。時加研究。庶乎吾道真諦。可得參悟奧微。不然。徒具頂禮膜拜之形式。究於道何所窺見。而於身心尤無補益。吾道所以設壇者。蓋人心陷溺既深。非顯示警化。不足挽回。然講勸之方。仍不外日用倫常。不以奇異炫人。諸子須各明此。求道道乃可得。幸勿隔乎俗見。惟靈異是求也。

達祖說真經與坐功之關係癸亥年正月初十日

道之要在修。修之旨。在坐。故吾

師（即先天老祖下全）佈化。首以坐功爲修道門徑。諸方進修。今日均蒙師恩。特准授經。蓋亦不多得之緣會也。須知經即徑也。又即常也。道即導也。又即極也。諸方領經者。既得其徑。當守以常。庶乎道有所導。而造其極。常者何。坐而已矣。坐果不缺。造極無難也。所望諸方。從此於坐。功力求精進。弗少間斷。將來自可成就。毋以速效而躁進。毋以無效而生懈心。誠求之日。坐四度一月之後。便知其妙已。

未劫運以沿江爲重。欲免疫劫。非坐無以保身。在修諸方。各宜凜遵。勿負達祖之諄囑爲要。

守沙仙葛註。坐功爲修道之要。而沿江一帶。在今日尤宜重視。坐功因時際。午會之

慧真人保存鼓樓神像訓癸亥年二月二十五日

古無塑像。歷代聖神仙佛。莫不秉於正氣。氣者清虛縹渺。空無住相。華夏塑像之風。由來已久。推原其意。如親聖容。肅我邪衷。昭茲誠敬。其實聖神仙佛。上臨太虛。光覆塵土。而於塑像。有求必應者。非靈於土木。乃靈於神氣。靈於人心。是以神心人心。神靈人靈。兩相感應。立現天心。鼓樓爲金陵名勝。地素清潔。是以塑相崇奉。且關聖浩然之氣。貫於古今。文昌帝君。掌善衡文。皆有功於世。南海大士。宏度尤爲人所敬仰。今茲鼓樓。劃入公園。爲遊覽之所。開監可將第一層。商請公園執事。將其封閉。二層諸像。同供於上。以存清潔勝蹟。力商保存可也。

附碑文

歲次癸亥春二月清明日。驅車之鼓樓而踏青焉。登樓瞻拜。見聯額煥然一新。而供奉之諸神像。聞公園事務所擬移奉他廟。竊期期以爲不可。爰語執事人。劉君文卿。黨君惠臣。以鼓樓俯瞰全城。得

關聖浩然正氣。坐鎮其間。造福於全城人民者。良非淺鮮。並以

文昌帝君。

觀音大士。均皆威靈顯赫。有功於世。此外

福神兩像亦爲人所敬仰。自應保存供奉一樓。以重古蹟。時劉黨兩君均極贊成。而不敢專焉。且以經辦公園之主任王清泉處長。丁憂回籍。屬商王君伯秋。旋晤王君。力持不可遷移理由。溯鼓樓建於明洪武二十一年。爲南京著名勝蹟。與鐘樓相對峙。碑上供奉神像。已歷多年。所有康熙南巡。詔勅江南人民崇儉黜華御碑。巍然存在。清代李文忠等亦皆撰有聯額。足資觀感。此豈可以迷信之說。而妄主遷移哉。王君遂無異議。迺上陳齊韓軍民兩長。亦具同情。爰呈疏於南京道院。旋奉壇訓。神道精微。足以垂教萬世。於是與劉黨兩君約道開捐資修塑。劉黨兩君擔任監工。以成善舉。而道開遂北上矣。孰意公園執事。忽又有遷移之議。適日本領事公宴兩長。宴罷登臨。見神像踉蹌。異而詢之。有以福神兩像擬移他廟對兩長以爲地方人士。既主保存。則神靈所在。有何取舍。於是神像五尊。均得保存。而同供樓上。時道開固遠在都門。即道院中人亦莫知其事。而是日道院開壇。即蒙

關聖降臨。訓示兩長。保存之盛意。命道開撰記其事。並將前奉壇訓勒之於石。以垂永久。茲裝塑工竣。爰遵訓記實。捐資勒碑。俾他日登斯樓者。有所畏敬焉。詩曰。神之格思。不可度思。不其然歟。不其然歟。是爲記。

中華民國十二年歲次癸亥夏歷八月

穀旦

南京道院統掌陶道開謹撰

統文掌籍楊南性恭繕

莊仙周示覺世（仇繼恆）三月二十四日

仇子平日向道不爲空想。實中覓有。真爲無爲。而能化有爲。此所謂止靜定安慮得之矣。即所謂容公。王大道久之實際也。寶藏所以興。而河海不能洩者。空論哉。真有哉。我之喻言。非徒托諸虛。乃亦平治齊修之根基語也。如宋崇之理學。然不知者。則視爲衰國。竊政。由識大者。即明此爲安民治國之針砭。明王子守仁。通道暢妙。曉理達玄。故能倡理想而作實事。譬諸鯤化爲鵬。一逍遙於天。一遨遊於淵。同一樂也。有何高下有鯤而後化鵬耶。抑先有鵬耶。如言先鵬。何須鯤爲。如須鯤化。鯤又何生。萬般皆如是耳。其生也冥冥。其化也渺渺。而其滅也。更不可思議。如有真滅。所有聖迹靈勝。是何處求而得者。真生不生。真化不化。真滅不滅。乃空中之實之證也。其所以能此者。止定而靜安。而慮而得者也。容公而王大道而久者也。汝今來求無爲之有爲。則可。如在有爲尋無爲。則不可。三生之幸三世緣。西方佛子竟忘禪。閒戲荷底魚兒渡。又隨琴鶴到胡園。哈哈大要斟酌。早修不壞身。賜名覺世。如能本道而立。自然本立道生矣。勉旃。

周仙濂溪論動靜

癸亥四月初四日

太極動而生陽。靜而生陰。一動一靜。互爲其根。固未有不動不靜者也。夫乾之靜也。專。其動也。直。坤之靜也。翕。其動也。闢。震繼以艮。動極復靜也。艮繼以漸。靜極復動也。是動靜本陰陽對待之機。而烏得不靜。烏得不動。然吾之所論動靜。則以爲無極之先。聲臭俱無。動靜何有。以爲無動而動之理。已含於未動之中。以爲無靜而靜之氣。已具於未靜之中。聖人之體。淵涵無間。混然一太極也。寂然一太極之無極也。屋漏日明之地。清明在躬。志氣如神。何思何慮。而亦何動何靜也。以爲動也。而方寸之內。妙衆理而無言。則動而仍不動也。以爲靜也。而太虛之體。燭萬物而知微。則靜而不必皆靜也。是其過化存神之妙。未易窺測。一至於此。此所以不爲形氣所囿。而動靜之間。人知其神之神。而不知其不神之神也。

孚聖論性理之門 癸亥四月七日

讀書何爲乎。爲明理以復性也。蓋論理莫切於大學。而論性莫備於中庸。所謂入德之門。大道淵源也。自孔子設教。立萬世人倫之則。啓千秋教化之源。刪訂羣經。闡明道學。述堯祖舜。繼往開來。使千秋後世無長夜之憂。此所謂至聖也。繼起若曾子子思。皆得孔子之傳。成此大學中庸二書。其間若身修家齊。性功天人。切而言之。乃修齊之要道。推而言之。即平治之宏規。精而言之。乃參贊之功能。實而言之。即中庸之正理。人能誠心體悟。勉力

奉行則聖域賢關自可企及無如讀之者不求其本僅齊其末不究其理僅讀其文是以大學中庸之精義毫無所得無所得即枉讀也是故有讀之而肆意滅倫圖名貪汚奸盜邪淫機詐百出豈惟讀之者無益於書抑書之不能有益於讀者耶其負疚聖賢得罪名教深矣尚可自命為讀書士耶

孚聖示道一（張汝芹）癸亥四月初七日

爾熱心真誠深堪嘉尚須知

師道以誠信為教人事神事不能出於人情之外爾乃有家有職豈可因道而廢棄倫常此間開監外出爾與道潔道晟冠善等分班來侍他人或日侍均可而爾於友道誠信則不可失也

按萬法唯心頭頭是道果能誠信以盡人事道即在是故心外無道若道其心雖日來侍壇抑又何益今之人每以人事牽纏無暇修道為詞殊不知誠心向道隨時隨地皆可修持金剛科儀偈曰在家菩薩智非常在家在院儘可用功若必待時能無里碍高山平地總西方由此觀之有志於道者在家在院儘可用功若必待時而修光陰利那無常一至悔之莫及矣讀孚聖此訓益知盡人事與修道為並行不悖者

慧真人劫由人造說癸亥四月十一日

夫劫運之降非天心不仁乃孽由人造天猶不忍遽降於人始降於牛馬以驚人心而人不知悔繼降於羊豕使人覺悟而人不知悟不得已降之於極惡者而人猶以未及已不

但不知警懼。反孽惡加於平昔。如是天心雖仁。究不能爲稔惡者寬矣。是以劫運之臨。瘟疫蟲旱。水火刀兵。種種慘狀。現於眉睫。至此人始稍稍悔悟。而又不知悔從何起。或以齋懺悔。以經懺悔。又不能誠心奉行。只知築壇設臺。音樂喧鬧。如是懺悔。是欺神耶。抑欺人耶。欺己耶。大抵天之鑒於人者。只在一心字耳。人能了悟。誠心懺悔。不假僞貌。天自可恕。已往之愆。若只顧欲心。陽悔陰詐。匪特不能消劫。且恐劫尤加也。

慧真人君子小人義利辨

癸亥四月十三日

宇宙之大人類之分。君子少而小人多。可勝悼哉。大抵君子理也。小人欲也。君子以道爲道。倫紀綱常爲主。行乎禮止乎恕。正心修身即可保身。成身則百世不朽矣。小人不然。一切舉動惟利是趨。祇知利而不知害。祇圖利而不知保身。以倫紀綱常爲腐論。以身心性命爲廢言。日逐塵世昏昏庸庸。與酒色爲緣。財氣爲伍。是以自古迄今。埋於荒草。填於溝壑。子孫絕嗣。不可勝計。此皆小人之結局也。

法海禪師示道一

癸亥四月十四日

師命吾來與道一

（張汝芹）

論相。汝其悟之。相非相也。非相亦相。是乃真相。故曰無住相。汝

之所見。乃幻相。非無住相。昔有居士發願到西方極樂世界。由一比丘引入西方。衆居士從之者數百人。越山涉水。辛苦備嘗。終莫能見。衆居士有倦色。踟躕不前。比丘合十告曰。

西方不遠矣。俄見城市隱約奮力前進。果又一世界。既至其處。莊嚴燦爛。美不勝收。衆居士莫不歡欣鼓舞。此真極樂世界也。居數月。樂而忘返。翌日而此莊嚴燦爛之世界忽焉不見。衆居士無不驚訝。比丘從容告之曰。此即極樂世界也。居士頓悟。各自前進。大凡修心不可着相。衆居士未到西方之前。先着極樂之想。故立見極樂之幻相。此幻相乃比丘之所化。以感悟衆居士者也。衆居士知幻相非真。故能悟道。汝前日之疑。殆有類是。

按道一入修以後精究坐功尤留心佛學閱彌陀經所述西方極樂世界如何莊嚴燦爛處處似有跡相可尋心竊疑之但未嘗語人一日忽法海禪師降壇與之談相道一憬悟始舉其所疑告於同人可見誠感之理如響斯應也

孚聖孽由人召說 癸亥四月十七日

自三才定位。人得居中。而不仁。負罪於天。大矣。而况昧天之理。逆天之心。豈有不干天怒者。故陰陽不和。日月剝蝕。五行逆旅。四時失序。山川告匱。災患頻仍。豈天心之不慈。實孽由人召耳。人人各宜猛省。天意可回。故國有良士。國祚綿長。家有孝子。家聲遠振。推之一鄉。有善士閭閻受福。禍患不侵。一族有賢人。支譜生光。橫逆不作。此豈非感應篇禍福無門。惟人自召之明徵歟。

岳聖論天地人三道 癸亥四月二十日

昔孔子贊周易。以乾坤爲易之門。又曰。有天道焉。有人道焉。有地道焉。可知處乎陰陽剛

柔之際而與天地相參者。厥爲人。蚩蚩之氓。草木同腐。其何以圍範天地之化而不過哉。惟聖人定以中正仁義。一動一靜。皆由太極而生。悉與太極合。太極者。即天地之所托始也。黃帝曰。觀天之道。則天之行。行何在。陰陽是也。陰陽成象。而天道立矣。坤之彖辭曰。坤厚載物。德合無疆。德何在。剛柔是也。剛柔成質。而地道立矣。天地之道既立。而處於天地之中者。其任匪輕。孟子言必稱堯舜。堯舜之道。仁義而已矣。惟危。惟微。此道也。惟精。惟一。此道也。仁義成德。而人道亦立矣。天道也。地道也。人道也。天地人三道立。而太極之道亦立矣。由是而推其仁之道。與陰陽合德者。亦與剛柔合體。吾之心正。則天地之心亦正矣。推其義之道。仰以觀於天文。俯以察於地理。吾之氣順。則天地之氣亦順矣。可不法君子之自修。而甘爲小人之自棄哉。諸子勉旃。

聖帝論靈炁之壽

癸亥五月十三日

清氣合。炁炁合。神凝。神凝。靈化。靈化。惟心。心神如一。其志乃清。志清。氣浩。斯無不靈。炁靈。神化。壽乃無垠。吾壽不自壽。吾所修者。非形氣壽也。求形氣之壽者多。於是長生不老之說起。長生說起。而採補求葯之念生。採補念生。而左道旁門之術興。如是以求壽。此世間所以無神仙也。夫世事無常。人壽剎那。不求性靈之修。而妄與無常相爭。何其愚也。銅山金谷。今何在。楚王台榭。空山邱。不但山川草木如是。即父子夫婦兄弟朋友之間。亦何獨

不然。故吾以爲與其求形氣之壽。不若修靈炁之關。能得靈氣之妙。則化去軀壳。常留浩氣。天地或有時而混沌。而吾浩氣歸於炁胞之中。永無生滅也。世人知壽。我而不知。求所以自壽。何惑之甚也。

濟佛論學然後知不足 癸亥五月十八日

登喜馬那亞山之巔。然後知泰岱不足爲高也。觀太平洋海之潮。然後知江海不足爲大也。學問之道亦然。初入門牆。不足窺堂奧之妙。淺嘗輒止。不足知淵博之精。是可知學問無窮。人應警惕。當以自滿爲戒也。顧今之學者。自以爲足者。比比皆是。而自以學不足者。十僅一二。是何異知有泰岱。而不知有喜馬那亞山。知有江海。而不知有太平洋哉。夫自以爲足者。自詡於衆曰。吾無所不知。無所不能也。迨夫應事接物。則箝口結舌。手慌足亂。惶惶然。如有所失。惕惕然。若有所懼。夫然後乃知學之不足。不亦晚乎。噫。盲者。吾知其爲盲也。啞者。吾知其爲啞也。盲者。果能安於盲。啞者。果能安於啞。吾又何責也。獨盲者不自安於盲。而又。不求所以明之之道。啞者。不自安於啞。而又。不求所以言之之道。不亦惑乎。且天地之大。何物不包。何事不有。新舊交替。反正相乘。日異月遷。我之所見所聞。我自以爲奇。而不知。尤有奇於我者。我之所行所爲。以爲不同於衆。而不知。尤有勝於我者。故勝者不可喜。喜則志滿。滿則溢。不勝亦不可怠。怠則氣餒。餒則終身無成矣。諸方須知。勝固

應力學不倦。不勝尤應。朝斯夕斯。勉之勉之。

慧真人說修齋 癸亥五月二十二日

今為本院修齋誦經之期。吾為諸子言修齋之原。夫齋之為言齊也。齊其所不齊。而致其齊也。蓋人心不無或偏。惟齋則正之。行事不無或過。惟齋以齊之。如此之齋。齋身也。齋心也。齋善也。齋之義微密。敬以臨之。齋之道精深。誠以格之。惜乎世人不明修齋之理。致昧修齋之原。原何居。德是也。德無虧。即修無虧。則何處非齋。耶。奈何愚夫性偏。徒竊齋口之名。不務齋心之實。設醮布壇。妄言疏呈天闕。戒葷茹素。詭云消劫延年。嗚呼。德敗當躬。每日親神何益。德虧寤寐。縱聚仙佛何因。須知改過省愆。必蒙神天眷佑。去惡從善。自然福祿駢臻。吾願諸方深味是言。修齋首先修德。齋口尤宜齋心。

王仙陽明論先天後天卦理 癸亥五月二十五日

此未有天地萬物時之炁胞也。有炁胞而後天地生焉。陰陽位焉。萬物育焉。有天地陰陽而乾坤定焉。乾為陽而主動。坤為陰而主靜。動極而靜。靜極而動。故聖人定卦。窮則變。變則通。通則久也。夫先天之乾卦。純陽也。男秉純陽之炁以生。故先天(☰)人生母胎之時。即受先天之氣以成形。及其生也。則(☱)既變離卦。即落後天。坤為純陰之體。故先天(☷)其在母胎。亦秉受先天之炁。及其生也。遂轉入後天之坎(☵)離(☲)為火。坎(☵)為水。水火

先天

後天

後天

乾卦

離卦

坤卦

坎卦

能既濟。各返其先天之炁。而形神俱妙矣。吾昔靜坐忘筌。悟得良知良能之理。自證道後。乃知。

師道之妙。諸子幸生此世。得聞真諦。緣分不淺。若不潛心修持。則將歷萬劫而不返矣。諸子悟之。千萬勿以坐功爲却病延年之劑。而忽先天渾然之妙也。

老祖說傳經救劫

癸亥六月十二日

道之所繫。人心爲重。人心之正。由於慎。獨。慎。獨。之。要。誠。正。爲。本。吾道乃有攸歸。今之世界。風頹俗敗。良用惻然。浩浩胞與。蕩蕩衆生。罹此劫網。孰生厲階。然人心未始不可挽。道心未始不可固。所賴各各本道之真宗。道之正源。爲正己正人。度己度人之功。則世界茫茫。浩劫弭於無形。將爲諸方是賴也。南京古都。今亦重鎮。大道南行。第三母壇之設。五節真經之傳。實基於此。各各以成已成物之正念。化劫挽數。克誠克堅。是所厚望。

老祖示各掌監

癸亥八月初十日

泛舟相卹。古先爲之。此次東瀛賑米。既已購齊。即着素爽圓誠諸子等。迅賚災區。妥爲散放。是糧早到一日。亦可早安災民一之日心。莫謂滄海一粟。無濟於事。須知紅卍聲譽。在此一舉。時機可寶。切勿因循延誤。

道開南北奔馳道務。此次採辦賑米迅速。其勞可嘉。着獎二等道寶一尊。速函總院恭製。

即授素圓等。亦記獎四等道寶。東回授知之。

際此下元未造。各地災劫環生。紅卍字會務日繁。何可虛設旗牌。茲加派光（慧）掌爲南京道院紅卍字支會會長。道開道潔。道一南性。四子副之。卍會總務。派冠善主任其事。各宜即日籌進。知之。

老祖說造劫弭劫之源

癸亥八月初十日

嗟夫。世風衰頹。道德淪亡。亂綱敗紀。攘利爭權。拋仁義於不顧。視倫常爲空談。一意孤行。惟我所欲。推厥原始。劫因誰造。東瀛浩劫。亘古未聞。各地災異。相繼發現。兵火瘟疫。生靈慘斃。水旱風雹。禾稼盡傷。如是已發未現。種種災劫。迫於眉睫。亦云極矣。夫陰陽剝復。數固天定。人能悔改。力亦可挽。造劫由人。弭劫亦由人也。誰非出吾胞與。吾又寧忍使之重罹。劫網耶。吾之傳經設道。即本拯世化劫之意。惜乎道愈傳。而行愈遠。孽愈深。而劫愈重。諸方清夜。思之當可以悟已。南地劫運。雖經掌監等至誠請求。遞次移減。惟劫災發源之所。何可全抱樂觀。且此間人心誠者自誠。譎者尤譎。子等當能自知。試問果能各各平正。其心乎。現正經已授世。吾深願諸方清心靜慮。力改前行。多誦真經。廣種善果。則大劫之挽。庶可弭於無形已。

法海禪師說六識通

癸亥八月十六日

六識者。眼、耳、鼻、舌、身、意也。色、聲、香、味、觸、法。六識之功能也。七情根於六識。亦六識之賊也。欲除此賊。吾是以爲諸子說六識通。眼、耳、鼻、舌、聲、意。天賦之形。而色、聲、香、味、觸、法。乃天予之靈。嗜欲多。則先天之靈閉。而後天之性亂。後天之性亂。則先天之靈遂爲形氣所役。眼之所見。心即隨之。耳之所聞。心即思之。鼻之所嗅。心即好之。舌之所嘗。心即念之。身之所觸。神立感之。意之所注。神立隨之。人不能自主也。孔子論四勿。而束之以禮。禮者。理也。何以能達禮。非定靜不爲。功能於定靜。悟理則聽無不聰。視無不明。言無不合。動無不安。如是以悟六識通之妙。則庶幾近之。然猶未能臻道功之上乘。若六識統於一關。光明透徹。所謂收視返聽也。能收視返聽。則目不見色。而實見之。耳不聞聲。而實聞之。鼻不嗅而知香。舌不嘗而知味。身不移而知動。意不馳而知止。恍恍惚惚。杳杳冥冥。其妙不可思議。非真無此境也。無此境而有此妙。乃真境也。故應以無所住。而通六識。則先天之靈不散。而後天之性不亂。守吾

師所教之玄關。則庶乎百惑不搖。元炁充固。而上臻真空之界矣。道一。汝於坐功能精進。故爲汝說。汝當有所悟。

慧真人論功修

癸亥九月二十六日

政教一時。經化萬世。所教者不外正心導善而已。廼世風日下。人情嶮巇。上自元首。下及

黎庶莫不以譎詐爲能事。視道德爲腐談。以故大劫造於無形。災害流於萬禩。深可憫也。師悲衆生沉淪。傳經救世。內以修身養靈爲功。外以廣佈慈行爲用。黜異崇正。以維道統。敦倫重孝。以正紀綱。化刁頑。杜邪僞。糾正人心。同登覺岸。惜人爲惡習所縛。不能警覺。但知私利之可圖。不問道德作何解。雖訓之諄諄。而聽者藐藐。近雖大道風行。除上智外。其中材下愚。道自爲道。我仍故我。外雖強襲道貌。內仍飾我奸邪。如斯情狀。能不痛心。值下元末造。大劫已迫眉睫。深願諸方。從速覺悟。互相規勉。正人首須正己。獨善尤必兼善。勸人改過。過則我先改之。勸人遷善。善行我先爲之。切莫自作聰明。假神意而作欺人之舉。須知人可欺。神不可欺。冥冥之中。無微不察。務望及早醒悟。將以神之教我者。轉以勸人。以我之勸人者。使之惕神。庶不負

老祖一番殷殷救世之苦心。子等其各勉諸。

慧真人論利己利人 癸亥十月初二日

天下有大利焉。利人是也。有大害焉。利己是也。利己必先損人。人既損矣。已復何利之有。無如人祇知有己。不知有人。不知利於己者。必害於人。害於人者。終害於己。人能將此利害二字。分割明白。則爭競自消於道近矣。自然天朗氣清。又何災劫之可言乎。惜人只知有利。不知有害。以故國不振。家不順。造成此濁惡世界。能無痛乎。吾言雖淺。其理則明。深

願在修諸方。三復斯言。

孚聖論士癸亥十一月十一日

士爲四民之首。所謂立人品。正人心。端風俗。維世教。惟士是賴。然維世之道。猶後而立身之道。最先。道德仁義。身所需也。禮義廉恥。身所繫也。士身之關係。何其重哉。獨怪今之爲士者。以虛浮詐僞爲真。以德性品行爲假。忘士之實。而盜其名。良足羞也。嘗見流蕩學子。自謂才高傑出。輕薄儒士。謾負完人挺生。乃原其行。則奸邪也。觀其貌。則輕佻也。如是而謂之士。吾殆不知其所云然。尤可厭者。假刀筆以殺人。方謂白冤辯屈。恃口舌而武斷。猶曰排難解紛。種種敗德。言之醜矣。士而若此。尙足爲士耶。

師傳經救世。端賴士人。首爲倡化。且各地各院。在修諸方。半居士者。深願及早省悟。身修其先。敦本其實。理存其志。遏欲其功能。如此方不失爲四民之首。

菊溪眞君示道開癸亥十二月二十八日

吾菊溪也。奉

命來。與諸鄉望一聚。開子聽訓。吾一身謹愿。木訥自甘。身後功過相平。地現曙色。自汝輩涉世以後。漸形幽暗。乃大道傳來。日近光明。正經傳世。吾始遷大光明天。今蒙老祖殊恩。特派今職。始慶有子矣。爾輩須知冥冥重德。而不在才也。縱宗功祖德。有加而

後人不能繼志。雖塵榮日增。而先人亦無光彩。惟德字生榮死貴。同一慶也。吾深願汝輩於道於德。勤加注意。須知

師道不第關爾輩一身一家。道之存在世之存在。爾身家亦存在也。秀孫生有自來。可昌吾門。惟在爾之德之道。有以培植之。義無私語。爾但好自修持。宜平靜心氣。是吾深望於汝者。汝可寄語汝弟。好自爲人。吾無多囑也。

按菊溪眞君爲陶道開院監之尊人。初遊軍幕。寄興於丹青。天性仁孝。廉潔自持。歿後越十八年。於癸亥十二月十五日。北京道院奉

老祖壇訓。特封爲菊溪眞君。派爲樞府總巡道兼雷部副尊。今讀菊溪眞君之訓。益徵積善必有餘慶。洵不誣也。

附錄北京道院癸亥十二月十五日特壇 菊溪眞君示道開訓

老祖以汝爲堅誠弟子。故特以重要責任寄汝。汝須善體

老祖至意。以秉乃公。竭乃誠。致乃眞善。而後方可立道之基。開道之源也。雖

老祖時加獎勉。汝益當誓身許道。益自警惕。吾今幸奉

老祖命。爲各院總巡道兼雷部副尊。汝其以吾職告於諸方。不可稍存私念。因道無私也。吾與汝雖係至情。有私毫違法者。亦不能循乎其私也。汝其勉之。余無私囑。爲善即昌。靈秀必可慰吾與汝之望也。善惡禍福。惟在一轉念耳。

又十二月十七日亥正特壇

孚聖自樞府來奉

老祖命。仍用前六萬年封號菊溪二字。即六萬年前之封號也。今生塵世。用以爲號。以夙基之存也。哈哈。開何由而得知也。



菊溪真君肖像



菊溪真君傳

真君諱湘齡字菊溪江蘇江寧人也。幼聰穎善讀。閒從兄竹村習繪事。饒有逸致。稍長具治事才。家務瑣瑣。處理無或紊。洪楊亂起。迭陷名城。時竹村方與周公春生同佐周鵬程鎮軍幕。真君乃亦投筆從之。遊會寇入丹陽。且窺鎮江。鄉民避難。蟻集江岸。無慮數千人。真君乃與周公謀。檄水師營。以舳板載男丁。別雇舟載婦孺。渡至焦山。給粥而食。及寇退。鄉民慶生還焉。同治初元。蘇常嘉湖等城相繼克復。真君以參戎幕功。授直隸州州判。顧恬淡自喜。雅不欲以升斗折腰。遂棄官歸田里。暇輒以書畫自娛。以是丹青之名益著。有得其寸楮畧雜者。無不珍若拱璧。而真君亦特此以爲色養之資焉。又嘗客同里。偶步江干。適舟子以網釣獲大鱉。長三尺餘。身繫放生牌殆遍。及拔網釣。數之尙少其三。真君顧而言曰。汝如有靈。蓋示鈎所在。當爲拔之。鱉忽昂其首。果有鈎三箝頭上。悉拔之。因以巨值償舟子。而放鱉於江。旣入水。猶向岸點頭者三。真君之誠能感物有如此者。以清光緒三十二年卒。春秋六十。歿後越二十六載。於癸亥年十二月十五日北京道院奉

老祖壇訓。特封爲菊溪真君。派爲樞府總巡道。並雷部副尊。真君始娶於朱。繼娶於鄧。有丈夫子三。長保坤。朱夫人出。以謹厚稱鄉里。次保晉。又次保鼎。鄧夫人出。並有盛名。保晉道名道。開信道尤篤。南院成立。以迄推行。論功蓋首屈一指云。

孚聖神道爲公說 癸亥十二月二十八日

師道降世以來。吾與諸仙佛。隨鸞降乩。顯神人間。每遇臨壇判示。或有問休咎者。或有問功名者。而無一人於道於德有所請示。吾心深竊厭之。惟因其人。猶知敬信神明。故亦不惜指示。然雖指示。大半均屬隱語。因其人。亦係私而無公。未能顯示易曉。而洩天機也。乃世之無識者。流往往生輕怠之心。或以語言淺薄爲不足重。殊不知神明顯化。在於教善勸惡。凡訓言一切。皆闡聖賢之大道。指善惡之關頭。非理明詞達。剴切曉示。何能俾智愚賢否。同登覺路。此即中庸之大道。所以不偏而平常也。若欲演妙談玄。以著其奇。非惟人不能知。且又何益。故凡壇訓深淺包藏。亦是體中庸之道也。是以神之訓示。惟恐人難盡信。或疑或議。有招過愆。吾特明示。凡道之進行。慈業舉辦。皆宜明判。人事私求之默叩。則宜隱訓。使人人皆知神道之正。無他意也。

按道院設壇布道以來。信之不疑者。固有其人。而疑惑侮謗者。實居多數。每逢開壇之時。或有以默叩徵靈驗者。或有以不經之事。叩神明者。或有以詩訓隱語。不可解者。或有以言詞淺薄。不足重者。是皆於神人誠感之間。未之深思耳。今

有以言詞淺薄不足重者。是皆於神人誠感之間。未之深思耳。今

字聖慈悲明示神道爲公之說。俾讀是訓者。知神道之正也。

老祖論挽人心以維天運。人鬼關頭全賴自轉。甲子正月初八日

哈哈新甲開元春回歲首。一陽運轉萬象宏開。此千秋難逢之盛會也。要知天道根於人道。天道運行於其上。必得人道以維繫之。人道不行。則天道轉而不轉矣。吾自傳經度世。

實欲挽化人心。以維天運。無如茫茫大地。悠悠羣生。虛靈爲習。染所蔽。沉迷不悟。雖道行萬里。而能體吾心。立吾志者。究有幾人。吾甚悲之。各院修方。堅於善者。固有而大都善。善而不能終。惡惡而不能悛。良可悲已。今值甲子開元。水木爭春。桃李鬪艷。善昇惡降。天人判別。一念回頭。則可千祥雲集。片言失德。縱過萬劫難消。時幾危微。光陰不再。深願諸方善自醒悟。則人鬼關頭。全賴子等自轉移之。其各勉旃。勿忽勿怠。

慧真人論息塵紛以固真靈

甲子正月十六日

夫飛鸞開化爲國家。培元脉。補法律。所不及。誠非異端。可比。往往有興於數年。而敗於崇朝者。何也。適理事人之見識不充。心志不固。或遇魔障之飛來。意懶心灰。畏難退縮。或因激刺之橫生。無明火發。思欲抵制。如是而曰。辦道。是道不敗而不止也。間有潔身自好。與世無爭。而善善惡惡之心。在所不免。一聞奸僞。即萌退志。將從前所積善功。一旦付之流水。能不惜哉。嗚呼。吾屢見此情。深爲悼歎。是故修道之難。傳道尤不易也。要知人有高卑。指有短長。道高魔深。道無魔而不成。魔堅道淺。魔無道而不顯。子等旣曰修道。當求道之精義。道心應百惑不搖。道行宜萬念俱寂。能如此修道。方可與言道旨也。吾

師秉懷聖德。悲天憫世。傳經救世。教化飛鸞。上輔國家。下佑黎庶。言言金玉。法典謨訓。誥之精詳。字字珠璣。明仁義禮智之大道。誠化俗金科。度世暮鼓。諸方等能善體師心。堅誠

其志息塵俗之紛爭。求清虛之進步。眞靈永固。金仙指顧。庶不負吾師一片殷殷垂世之苦心。深願諸方善勉善修。勿忽勿怠。

默真人論修靈之道

甲子六月二十五日

天道有自然之運。人心具不昧之靈。天與人原無二致。人之所以不能始終如一者。豈以性有異。性情有異。情抑聖。凡性情有厚薄之殊乎。總而言之。靈之爲用。澈始澈終。不可涉於朦蔽。一涉朦蔽。則聖凡殊途。遂相去霄壤矣。世人每疑聖賢性情與凡夫殊。不加修省。徒藉口於有生之初。此不思之甚也。夫聖凡之始而一。終而二者。就其已成而名之也。有生之初。性皆同善。豈可以不肖不如之念。存乎其中耶。靈機本乎天授。修持全恃人功。人心本虛。虛則靈。虛靈二字。在諸方觀之。必以爲有先後之別。要知殊未必然。其大要全在分得輕重。靈本是虛。虛未必即靈。夫虛含萬有。不能運化。雖有如無。徒心竅中多添壅滯耳。修靈之道。全在清其心。房空其萬有。誠以修之。堅以持之。心中不着一些渣滓。則道自成。靈自固。諸方求道。宜從此處悟之。

默真人論打破我字迷關

甲子六月二十五日

唉。善哉善哉。時至今日。水火刀兵。疫癘流行。其來之源。皆由人我之見。判得太爲分明之所致也。人但知其有我。而不知其捨我。現在各地災荒普遍。莫謂與我無關。譬如流水行。

道。未。有。過。人。之。門。而。不。落。我。之。境。也。吾。深。願。世。人。打。破。我。字。迷。關。趁。此。災。未。臨。我。多。造。我。之。心。福。若。到。規。臨。眉。睫。恐。我。自。顧。之。不。暇。矣。其。各。思。之。時。不。我。與。及。時。多。種。我。福。則。亦。可。少。減。我。將。來。之。厄。也。諸。方。勉。之。省。之。

默真人贈冠能箴言

甲子六月二十五日

故人別來大安。憶昔同舟。今成覲面。河山故人。曾憶吾否。前此五教原文。子囑吾正。吾因災。規紛繁。樞務重要。未能與故人一敘。深抱歉然。惟子既已入道。務宜以道爲前提。歲不我與。此時能盡一分道。他年多種一番果。此吾贈故友之言。尙希採納。則後晤自有期也。勉之勉之。

按冠能（謝紹佐）與默真人共事山東撫署已越三十餘年矣。近因著大道爲五教之源。恐有未合。曾潛禱於真人位前。請臨壇一賜訓示。此他人所不知也。嗣奉

孚聖臨壇。謂所論甚合道旨。隨已印行。今日真人臨壇。將前事一一敘出。並勗勉優加。無異生前共話。情況具見。神人接近。誠所謂如在其上。如在其左右也。可不慎哉。可不勉哉。

尙真人論內外兼修

甲子七月十八日

世間最難得者。不過人身稟賦受之於天。位列三才。善自修持。則可與天地同壽。是人之

尊貴。可概見已。惜人不自覺悟。輒將自己固有真靈。甘於摧殘而不知古來聖神仙佛。莫不由人而修成之。其修成之道。不外正心靜念。內以固養真靈。外以慈濟爲補。做到完善。即是菩薩仙佛。惜今之人。倒行逆施。不自前進。專以私欲爲心。虛花過眼。而將萬古不磨之靈膜。焉視之。輕重倒置。能無惜乎。然間有求佛問道者。亦只知清齋念佛而已。其他濟人利物。皆不力行。此無他。皆由於我字之心太甚也。夫清齋念佛。原是教人去欲專心。六根不淨。塵念不除。雖心專於經典。口素於清齋。於修究無所益。若能解得兼修之道。即感應篇謂欲求天仙者。當立一千三百善。欲求地仙者。當立三百善。此即慈功着要處也。人若自知清修。而不行外緣。縱內功圓滿。亦不過與自私自求者無異。誠所謂異端也。不惟儒家闢之。即佛道亦當闢之。闢其誣佛。誤於邪說。以誤世也。譬如今之人心。迥異。禍亂相尋。兵戈不已。兇荒遍佈於四方。人民鵠立於水火。固爲世之戾氣感召。亦是上蒼示人以悔。乃人心陷溺。冥然罔覺。詭譎險詐。愈趨愈下。以故禍無已時。近之大劫。已迫眉睫。正是諸方修己度人之候。若再不知省悟。則禍臨切膚。較勝於他災區也。務望諸子急發固有慈心。消弭未來劫運。則人我兩得。既具菩薩仙佛之心。雖不能當下飛昇。而功德圓時。必超無上上乘。願諸方省之。勉之。

慧真人論禍福皆由自造

甲子十月初一日

天道無憑。天道憑。平心何以見平心。花飛片片隨流水。雨打淤泥足足濘。世事如棋爭一着。卿能贏我我贏卿。昭昭天道誰能識。識得公平福自臨。世人每謂作事須循天理。夫天無言。理何從至。蓋人列三才之中。理達天地正氣。天雖無言。而孔聖代天立言。是以聖爲天口。其爲言也。貫徹上下古今。不能更易。其如後儒不能仰體聖心。以尋章摘句記誦之。學遂自命。理貫天人。學通聖道。其謬妄皆由於根本未立。蓋人生之初。性無不善。其初入塾時。父兄心目中。惟望子弟博取功名。肥家潤身。而於天理道德。從未教及。故子弟心目中。祇有名利爲心。得失在念。未得之則怨。天尤人。已得之則傲。上殘下。將其平日所記誦之口頭語。一概抹煞。壞其心術。觸怒聖心。不知行天道。修天德。契天心。回天怒。故天災流行。遍地皆是。此所謂根本未立。不知存養之過也。

師道傳世。以坐功爲教。即是教人修身養命之法。四書雖未明言了生脫死。而孔聖教人以明明德。即是教人了生脫死之訣。人皆有明。而自不求明。則墮入苦海。受天譴。天罰。能明者。膺天爵。受天祿。享天年。受天福。種種天錫。天眷。天佑。樂何如之。太甲曰。自作孽。不可道。此非明言果報乎。孟子言仁則榮。不仁則辱。豈非顯言禍福乎。人生禍福。皆由自造。善惡未至。其盈果報亦未至。其極總之。天無不報之道。祇待早與遲耳。孔子聞滄浪之歌。以告小子。凡水之清濁。濯纓濯足。皆由自取之。天下事皆當作如是觀。諸方細按四書。領會

大意爲君子爲小人。天堂地獄皆由世人自取耳。故君子上達小人下達二句。義無不賅。盡人合天。以教後世。眞眞實實。誦其言行其言。不違其言。常存三畏之心。平居守分安命。潔懷聖也。天也。一而已矣。奉聖即是奉天。誠求聖理。細究福善禍淫。循環果報。而後知天理之所由來也。其各勉之。

慧真人訓道悟與開能諸掌監修道要旨

甲子十月初一日

天下之功修成於信。敗於倦。論語述而不作一章。爾能言之否。夫孔子信古傳述。此信字宜重讀。凡修道者。信是根苗。疑是斧斤。信是天堂路口。疑是地府關頭。孔子愈信愈好。愈好愈信。取法古人。謙乃受益。至妙。竅在一默字。默會於心。許多悟境。高宗恭默思道。即此意也。曰恭曰默曰思。何等鄭重。自然感通帝天。今人不能悟道。粗心浮氣。未嘗靜默。何能有得。若能虛極靜篤。則神室自開。愈學而愈不厭。得其旨趣。自不可遏。其誨人也。公心恕心。又何倦之有。修德講學在我孔子。先覺其妙竅。以先覺而覺後覺。其功不忽於燕居。心慕周公之道。夢寐相通。曰志道曰依仁。曰據德道也。仁也。德也。心所固有也。須體認志字。依字據字。志不專一。則浮不相依。則失不執據。則無憑。至於游藝。借此以養其心。不使心有或放。造道自有妙境。人皆不憤不悱不反。雖聖人行不我與。亦莫如之何也。顏子好學之深。行藏安於所遇。子路則不及。故孔子教他臨事而懼。好謀而成。勿恃血氣之勇。此夫

子有慨言其人不知安於義命也。故曰富不可求。從吾所好。所好維何。道而已矣。孔子修道。謹小慎微。以一身負荷匪輕。上通韶樂。而神與古會。非孔子孰能與於斯。衛鞅爭國。夷齊讓國。一仁一不仁。子貢冉有折衷於夫子前而定論。爭國不仁者。遺臭萬年。讓國仁者。垂芳百世。故下接言不義之富貴。於我如浮雲。人當安於所遇。行其心之所安而已。子等邇來心靈搖搖。似有不安者。再此搖吾深明之。非不出於正。惟不應以人道而妄測天道也。際此規運之年。天魔擾世。應規而生。運不消而規豈能化乎。

師道南行。篤道如子。與冠監能。堅道如開。能諸掌監。及各職方等。職重如肖掌嵐。乃均心靈搖搖。固雖發之於正。而愚淺之見。似非修道所可有也。心之不堅。不定。不誠。不信。何望其有成哉。吾望諸子與子各去塵俗。各靜其心。莫謂昭昭無目。望子子不知也。神壇褒貶訓語。皆有深意。不當褒者褒之。是望其有進於將來也。不當貶者貶之。是止其後來不受貶也。在修諸方。均當注意。莫謂褒之有榮。貶之則惡。若是則非神之欺人。乃人自欺之耳。呵呵。

按甲子秋戰禍突起。地方被災甚慘。而是非淆混。民怨莫伸。當時各職方多以爲大道無憑者。特降此訓。以誥誡之。而今追思。益信昭昭在上。天理無或爽也。

孚聖論心性 甲子十月十八日

孟子謂人之其所以異於禽獸者幾希。夫爲人之道亦不過只在幾希之間。則人獸殊途。能不畏且慎乎。吾始亦由於人也。未證果時。遇異人授以點金術。乃計及五百年後。物復原質。遺害後世。只此一念。遂而中止。其時並無他念。不意此事爲功莫大焉。今之稱仙。稱祖。稱佛。稱帝。莫不皆基於此。子等豈疑吾是時有瑰奇之術耶。亦不過盡吾心之所當行之事。揆之天理人情。不使稍留遺憾。保此惺惺不昧之心。精神不使消耗。志慮日增。耳目手足日加精健。心地自然光明。識見愈臻高卓。一舉一行。可以對天。可以告人行。至坐臥皆有自然之度。不使此心稍有或放。自然不至於汨沒矣。蓋人心最靈而虛。靈則無所不通。虛則無所不容。能通能容。則萬物悉雜投於其中。豈必其事合乎道耶。但能保住此心不放。使我心得定。蓋心統性情而言之。何謂之性。仁義禮智本乎天。授與生俱來之性也。聲色貨利一切嗜好。此血氣之性也。固爲人所有。二者不容並立。當存當節。孔孟以及宋儒言之最詳。子等切勿忽畧讀過。至於情未發之前。至中而無偏倚。既發之後。能順情而出之。至和而無乖戾。中庸開章第一篇。大小註言之最爲明白顯暢。人能把定此心。從性情上去用功。知禮義血氣並七情。辯晰明確。知性情着手用功。處保此惺惺不昧。須從吾身至性至情。流露發越之處。揆之自然無疵而後已。任性用情。宜愈加注意。不使稍有不是處。能於性情上無虧損。使此心無愧。自然惺惺不昧。譬如人在黑暗中行走。有此一

蓋惺惺不昧之燈。照耀前途。東南西北。何往不可。惟此惺惺最易滅息。養之不可無方。奸詐刻薄。所以幌其影也。毀身敗行。所以拔其根也。子等既入師門。當思去其幌影。拔根之病。則膏油漸沃。雖無端風雨飛來。亦不能動其原光。灼然昭著。又何道之不可入耶。綜之人心惟危。道心惟微。只在此須臾之間。差以毫釐。謬以千里。諸方能不慎且畏乎（其各注意毋忽毋懈）。



孚聖論修己度人之要

甲子十二月初八日

孝弟忠信禮義廉恥。此八字爲人生處世關鍵。而恥字尤爲人生必要。人而無恥。未知其可也。論語原憲問恥章。尸位素餐。千古罵名。原思耿介。以恥爲問。夫子因其所能而擴充之。原思無好勝。無自矜。無怨恨。無貪欲。立其大節。爲士者所當景仰。若爲士而懷居貪欲。怨恨好勝。自矜苟一有之。恥莫大焉。爲士所貴有禮義廉恥。處有道。危言危行。處無道。明哲保身。其言也。德音秩秩。非巧言亂德之流。理直氣壯。道義之勇。異於匹夫血氣之強。如羿彘血氣之強。俱不得其善終。禹稷躬稼。仁育天下。德庇萬世。南宮适靜觀天心。善悟福善禍淫之報。宜夫子稱爲尙德君子。故君子之心存乎仁。或假有未仁無心之失。小人之心存乎不仁。未有一事能合乎仁。天理人欲。判若天淵。君子之仁根諸天性。天雖有時不仁。遇仁則止。小人之心。則反是。雖有仁。遇利則止。君子處事辯晰禮義。不畏難。不計害。遇

事能集衆長而勇成之。小人則不然。遇事畏首畏尾。利則進。無利則退。百事無成。此君子小人之判別也。鄭子產能集衆人之長。潤色鴻猷。使弱危而轉安。頌聲載道。共母同稱。其政嚴。其心愛。惠及黎庶。民不能忘。管仲相桓。其功其才。亦不亞於子產。故夫子論貧富之境。以論人才。貧而樂道。怨於何有。廉靜寡欲。忘乎境。以養其心。若不樂道。爲境所困。其無怨也。吾未之聞。故處富稍知自守者。其不驕矜尙易。然世人不自守者多。富多驕矜。貧多諂媚。皆由於利字害之也。學者宜深究其心。君子治己修己。順乎天命。日進高明。小人邪心。僞心。不安義命。日流污下。是以夫子謂道之行廢。關乎命。蓋道不行。亦非今始。昔人避世避地。避色避言。今吾

師心不忍。斯民陷溺水火。雖知其不可。而猶棲棲以開教化者。實欲世人回轉本來之性。道傳再世耳。子等須知修己習敬。即是化己度人。際此孽海波深。惟望子等穩持舵尾。以渡彼岸。其各勉之。



(六)女道德壇社訓

南海大士論入道要旨 癸亥正月十一日南院統壇示修方

江南文化早開。神道信者恆多。而不信者參半。女界文明。新者過新。舊又過舊。蓋世界至今日。風俗墮落。幾有不可收拾之勢。而女界範圍。遂難免破壞。欲挽人心。非從道德加意。不可。道德。尤以神教收效爲易。神教非徒事念經燒香爲盡其能事也。要必人人曉然於敬神。乃所以攝心。攝心。攝不放俗風。安有不歸於淳樸者。若惟焚香膜拜。不知攝放心。又何益哉。舊之信神。近於迷信。既不能謂敬。無怪新者嗤笑。而併神道亦藐焉視之也。吾願諸善女人。以吾此言三復識之。庶幾不爲迷信。而世道人心。斯得達於真正文明之域。

論坤德 癸亥十一月二十二日

天地之分。在於陰陽。男女判別。止乎動靜。乾剛化動。氣塞一元。坤柔生靜。含育萬物。生生化化。皆根於斯。其爲靜者。坤厚載物。含章可貞。關係至重。迺世道傾頽。母教喪失。閨中鈔幽靜之德。世道啓淫靡之風。邇年新學盛行。平權高唱。男女社交公開。不分內外。往來握手言歡。遑顧羞辱。徒襲外人之皮毛。不計己身之及溺。數十年國粹。拋於一旦。二百兆坤儀。從此失則。嗚呼。坤德至此。能不悲哉。

論修齊之本 癸亥十二月二十四日

木從繩。則正。玉以琢。而良。天下事。斷無不爲而成者。家道貴治。然所以施治之方。在男。主於外。而女主於內。又莫貴於有法。以立修齊之本。明倫循禮。長愛幼。幼敬長。父慈子孝。兄弟恭。夫秉於正。婦盡其柔。伯叔子姪。以分相聯。姊妹弟兄。以禮相接。奴婢僕侍。御之以寬。閨閣內外。肅之以嚴。勿食非分之食。當念物力維艱。勿衣非禮之衣。須知驕侈非福。冠婚喪祭。恪守禮而勿遺。門第宅居。安本分而勿妄。於此治家。斯爲有法。至於閨教。尤爲正教之要。艷粧必戒。柔靜必敦。觀燈玩戲。在所必禁。未出閨閣。首研三從四德之言。已歸夫家。應守母儀。昭教之訓。爲婦女者。尤宜切明斯義。是乃理家之本。興家之源。齊家之要。體而行之。則家道昌隆。子孫發達。百代宗支。可無替矣。深願諸方體吾斯言。勉而行之。

說儉德 甲子正月十三日

治家之道。貴守先人之訓。苟昧於整。率家政。漸衰。務於奢華。家風必敗。忘祖宗創業之艱。失母姑。閨庭之嚴訓。家庭日事。宰割戕物。實以戕身。衣服矜尙。靡華耗財。即是耗德。高歌宴飲。一擲千金。門艷精粧。撒手萬貫。以故奔而佚。佚而淫。淫而華。華而敗。當日富豪千箱。至此杼柚皆空。昔之食甘饜肥。今則酒漿告匱。敗家由於不儉。可不懼乎。須知興家起於夫子。治家端賴賢婦。此婦職重而尊。賢而貴。良有以也。諸方等能善體師心。堅誠志願。以身作則。爲世模範。則家政克修。子孫昌盛。樹德務本。門庭康吉。其各勉之。

論倫紀甲子三月初八日

道以類聚。物以羣分。禽獸有禽獸之羣。草木有草木之分。馬不可作爲牛也。桃李豈與松柏同本乎。例而推之。人居三才之列。豈可無類。類者分之。大也。分其支派也。昔周公孔子。恐人之不若禽獸草木。特定之以立三綱。立之以五常。君臣父子。生而有之。是先天也。兄弟朋友。或有或無。是後天也。夫婦之道。極乎天地。即陰陽奇偶之別。男子生而願爲之有室。女子生而願爲之有家。此先天配後天也。若男女無別。自相配合。是禽獸草木之不若君者臣之綱。父者子之綱。夫者妻之綱。君子之道。造端乎夫婦。根本於此生。枝葉於此榮。乃今世無知者。以平權爲法。是無父子也。是無夫妻也。三綱既失。五常亦絕。人道至此。生民之亂。猶可說也。綱常之絕。尙何言哉。人自可以相配偶。人類淆矣。嗚乎。清晴朗朗之天下。而成爲禽獸草木之世界。能不痛哉。

上海图书馆藏书




A541 212 0016 5202B

六

女道德壇社訓



六十二



F21121

